

FUNDARGERÐ HREPPSNEFNDAR

Fimmtudaginn 10. apríl 2003 var fundur haldinn í Hreppsnefnd Höfðahrepps kl 8⁰⁰ á skrifstofu hreppsins.

Á fundinn voru mætt: Adolf H. Berndsen, Birna Sveinsdóttir, Jensína Lýðsdóttir, og Magnús B. Jónsson. Gunnar Þór Gunnarsson mætti á fundinn eftir afgreiðslu fyrsta dagskrárliðar þar sem hluti þess liðar varðaði hann persónulega. Hann hafði lýst sig vanhæfan til að fjalla um málefni Brúnkollu ehf. og Norðurstrandar ehf.

Oddviti setti fundinn og stjórnaði honum.

1. Atvinnumál.

Fyrir fundinum lá tillaga að samkomulagi milli Höfðahrepps annars vegar og Norðurstrandar ehf og Brúnkollu ehf hinsvegar þar sem kveðið er á um að Höfðahreppur leggi fram allt að 4 milljónir til að auka hlutafé í Brúnkollu. Hlutaféð verði nýtt til að byggja upp aðgerðaraðstöðu til þjónustu við dagróðrabáta og til atvinnuuppbyggingar.

Tillagan var samþykkt með þeim fyrirvara að samkomulag náist um útfærslu einstakra atriða. Oddvita og sveitarstjóra var falið að ganga til samninga um málið.

2. Skýrsla vinnuhóps um menntamál á Skagaströnd.

Fyrir fundinum lá skýrsla sem unnin var af starfshóp sem skipaður var af hreppsnefnd 20. nóvember 2002. Í skýrslunni er gerð tillaga um að komið verði upp aðstöðu til að stunda fjarnám á Skagaströnd. Í skýrslunni er varpað fram hugmyndum um rekstrarform og húsnæði en einnig gerð grein fyrir hvaða aðstaða og búnaður þurfi að vera til staðar.

Mikil umræða varð um málið og rætt um hvernig eigi að nálgast það. Fram kom mikill vilji til að styðja við framhaldsmenntun með fjarnámi. Ákveðið að óska eftir því að starfshópurinn taki að sér að koma á kynningu frá framhaldsskólum og jafnframt var hreppsnefnd sammála um að koma upp aðstöðu til fjarnáms ef nægjanlegur áhugi er fyrir hendi.

3. Umsóknir um leyfi v. veitinga og gististaða.

Eftirfarandi mál lágu fyrir fundinum til afgreiðslu og umsagnar:

- Kenný Hallbjörnsdóttir v/Bærinn minn ehf. sækir um vínveitingaleyfi fyrir Kántrýbæ. Jafnframt vínveitingaleyfi er óskað eftir heimild til að hafa opið tveimur tímum lengur en hefðbundnum opnunartíma nemur þegar sérsakar aðstaður gefa tilefni til. Hreppsnefnd samþykkti að veita umbeðið leyfi að því gefnu að sýslumaður veiti jákvæða umsögn.
 - o Sýslumaðurinn á Blönduósi óskar umsagnar um leyfi fyrir veitinga og skemmtistað í Kántrýbæ. – Sveitarstjóra falið að veita jákvæða umsögn um málið.
 - o Sýslumaður á Blönduósi óskar umsagnar um leyfi fyrir gistiheimilið Dagsbrún, Túnbraut 1-3, - Sveitarstjóra falið að veita jákvæða umsögn um málið.

O Fyrir fundinum lá einnig umsögn Þrastar Líndal slökkviliðsstjóra um Kántrýbæ og Gistiheimilið Dagsbrún. Þar kemur fram að gerðar eru nokkrar athugasemdir en ekki talin ástæða til frestunar leyfis.

- a) Soffía S. Lárusdóttir. Sýslumaður óskar umsagnar vegna umsóknar Soffíu Lárusdóttur um veitinga- og gististað að Hólabraut 25, Skagaströnd. Sveitarstjóra falið að veita jákvæða umsögn.
- b) Árni Geir Ingvarsson. Sýslumaður óskar umsagnar vegna umsóknar Árna Geirs sem sækir um leyfi fyrir félagsheimili, veitingastofu og gistiskála í Félagsheimilinu Fellsborg. Sveitarstjóra var falið að veita jákvæða umsögn.

4. Ferðamál

a) Erindi Iðnþróunarfélags Nl. vestra vegna gönguleiða. Í greinargerð sem lá fyrir fundinum er kynnt sú hugmynd að sveitarstjórnir Skagafjarðar, Höfðahrepps og Blönduós bæjar að taka höndum saman um að byggja upp gönguleiðir milli þessara staða og markaðssetja þær. Á sameiginlegum fundi sveitarstjórna fyrrgreindra sveitarfélaga var því vísað til sveitarstjórnanna að taka formlega afstöðu til málsins og jafnframt hvort vilji er til að leggja 200 þúsund frá hverju sveitarfélagi til verkefnisins. Þar kom einnig fram að hver sveitarstjórn þurfi að tilnefna fulltrúa í framkvæmdastjórn verkefnisins ef þátttaka er samþykkt. Talsverð umræða varð um málið og samþykkt að leggja 200 þús. til verkefnisins að því gefnu að önnur fjármögnun verði tryggð. Einnig var samþykkt að tilnefna Sigurð Sigurðarson ráðgjafa hjá Invest í verkefnið.

b) Erindi Ferðamálasamtaka Norðurlands vestar vegna markaðsskrifstofu. Fyrir fundinum lá bréf Kjartans Lárussonar fyrir hönd Ferðamálasamtaka Norðurlands Eystra & vestra þar sem óskað er eftir afstöðu sveitarstjórnar til stofnunar Markaðsskrifstofu Norðurlands og hvort vilji er til kostnaðarþátttöku. Samkvæmt þeim gögnum sem lágu fyrir fundinum er reiknað með að kostnaður Höfðahrepps muni liggja á bilinu 300-420 þús. kr. ef þátttaka verður samþykkt. Talsverð umræða varð um hvort rétt sé að taka þátt í verkefninu og greiða þann kostnað sem af því hlýst. Ekki var vilji til að taka þátt í verkefninu á þessu stigi.

c) Erindi Íslandsgistingar vegna nýrra gistimöguleika. Í erindinu er óskað svara við hvort sveitarfélagið sé reiðubúið til að leggja verkefninu Íslandsgistingu lið með því að leggja til íbúðir eða stofna til sambands starfsmanna Íslandsgistingar og íbúðareigenda sem kynnu að hafa áhuga á málefninu. Ekki var áhugi fyrir að hafa forystu um málið.

5. Bréf:

a) *Skagastrandardeildar RKÍ, dags. í febrúar 2003.* Í bréfinu er óskað eftir að fasteignagjöld á húsnaði félagsins verði endurskoðuð og lækkuð. Samþykkt að veita 50 þús. kr. lækkun á fasteignagjöldum.

- b) *Skólalúðrasveitar A-Hún og Karlakórs Bólstaðarhlíðahrepps, dags.10.03.2003..*

Í bréfinu er óskað eftir styrk vegna tónleikaferðar til Svíþjóðar í júní n.k. Tónleikaferðin verður farin til vinabæjar Skagastrandar, Växjö. Samþykkt að veita 50 þús. kr. styrk til ferðarinnar.

- c) *Menntamálaráðuneytisins, dags.. 25. mars 2003.*

Í bréfinu eru kynntar umsóknir um styrki frá Norrænu æskulýðsnefndinni. Bréfið var til kynningar.

- d) *Fræðslumiðstöðvar Reykjavíkur, dags. 31. mars 2003.*

Í bréfinu er gerð grein fyrir þeirri ákvörðun borgarráðs Reykjavíkurborgar að nemendur með lögheimili í öðrum sveitarfélögum verði áfram teknir inn í tónlistarskóla í Reykjavík, ef heimasveitarfélagið ábyrgist greiðslu þess kostnaðar sem hlýst af veru nemandans í skólanum umfram skólagjöld. Bréfið var til kynningar og ekki gerðar ályktanir vegna þess.

6. Fundargerðir

- a) *Húsnæðisnefndar, 27. mars 2003.*

Fundargerðin var samþykkt.

- b) *Héraðsráðs, 24. mars 2003.*

Fundargerðin var til kynningar.

- c) *Verkfundar um svæðisskipulag Austur-Húnavatnssýslu, 17. mars 2003.*

Fundargerðin var til kynningar.

- d) *Heilbrigðisnefndar Norðurlands vestra, 18.mars 2003.*

Fundargerðin var til kynningar.

- e) *Húsnæðisnefndar, 7. apríl 2003.*

Fundargerðin var samþykkt.

Fleira ekki tekið fyrir fundi slitið kl. 10³⁰

Magnús B. Jónsson
(sign)

Adolf H. Berndsen
(sign)

Gunnar Þór Gunnarsson
(sign)

Jensína Lýðsdóttir
(sign)

Birna Sveinsdóttir